

Kulturimut, Ilinniartitaanermut, Ilisimatusarnermut Ilageeqarnermullu Naalakkersuisoq
Landsstyremedlem for Kultur, Uddannelse, Forskning og Kirke

Inatsisartunut ilaasortaq
Astrid Fleischer Rex
Demokraatit

Astrid Fleischer Reximut, Demokraatit, akissuteqaat siammasissumik ilinniartitsisunngorniartunik ilinniartitsineq nunaqarfinnilu timelærerit pillugit

Inatsisartunut ilaasortaq Astrid Fleischer Rex, Demokraatit, nalaakkersuisunut arlalinnik apeqquteqarpoq, imatut akissuteqaatigineqarfigisassanik:

1. Ilinniartitsisunngorniartunik siammasissumik ilinniartitsineq ullumikkut qanoq nalilerneqarsinnaava, siunertaasoq malillugu ingerlasimava? Ilinniartitsisunngorniartunik siammasissumik ilinniartitsineq pillugu pitsannguutaasinnaasut allannguutaasinnaasullu Naalakkersuisut anguniagarivaat?

Siammasissumik ilinniartitsisunngorniartunik ilinniartitsineq nuannarineqartorujussuvoq siunertarineqartutullu ingerlasimalluni. Ilinniartitsisorpassuit taamatut periu-seqarluni ilinniartinneqarsimapput, ilinniartitsisullu amerlasuut illoqarfimminnut nunaqarfimminnulluunniit uteqqittarput.

Siammasissumik ilinniartitsisunngorniartunik ilinniartitsinerup bacheloritut ilinniartit-nermut inuussutissarsiuutitut sammivilerlugu ilisimatusarnermik tunngaveqartumik allanngortitsinerup malitsigisaanik, taamatuttaaq siammasissumik ilinniartitsisun- ngorniartunik ilinniartitsineq allanngortinneqarpoq, taamaalilluni ilinniartitaanerit aallartiffimmikkut naammassineqarnermikkulu qaffasissusiat naligiipput.

2. Timelærenerit pikkorissaanermut siunertanik Naalakkersuisut sulini-uteqarpat?

Naalakkersuisut isummerput, timelærerit 86-iusut piffissami sivisuumi pikkorissar- tinneqarnissaanut pilersaarut tunngavigalugu pikkorissarnermut atortussat imarisai atorsinnaalluartut, pitsaasuusorlu timelærerit ulluinnarni sulinerannut attuumas- suteqarluni ingerlasimammat, kisiannili avataaneersunik ilitersuisoqartitsineq tul- luartuunngitsoq. Pikkorissartut taamaallaat 43%-iisa ingerlanneqartoq naammassi- simavaat.

Naalakkersuisut inerniliinerat tassaavoq, timelærerit pikkorissartinneqartarnerat siammasissumik ilinniartitsisunngorniartunik ilinniartitsineq aamma/imaluunniit GU aqqutigalugu pikkorissarnerit kiisalu illoqarfigisami nakkutilliineq sungiusarnerlu aqqutigalugit pisarpat pitsaanerpaassasoq. Pikkorissarnerit illoqarfigisami aqqis- sunneqartarnerisa nangiinnissaannut atugassatut pikkorissarnermut atortussat

7. april 2006
J.nr. 02.23-00004
Dok nr.159436
Postboks 1029
3900 Nuuk
Oq/tel +299 34 50 00
Fax +299 32 20 73
Kiiip@gh.gl
www.nanoq.gl/kiiip

imarisai aningaasanut inatsimmi siunertamut immikkoortitanit ingerlaavartumik aaqqiivigineqartassapput.

Tamatuma saniatigut timelærerit ilinniartitsisutut ilinniarsimasutulli pikkorissartitsinernik malinnaanissamut periarfissaqarput. Illoqarfigisami atuarfik ingerlatsivillu tulleriiaarisarput, pikkorissarnissamut qinnuteqaatit inassuteqaatigineqassanersut ingerlateqqinneqarlutillu.

Piffissap sivisuup ingerlanerani nunaqarfiit atuarfiinik ineriartortitsinissaq siunertaralugu suliniutit 2005-ip aasaanerani naammassipput. Pilersaarummi nunaqarfinni atuarfiit pisortai 49-t ingerlatsivinnilu pisortat ilaapput nalunaarusiakkullu tamanut saqqummiunneqartukkut naammassineqarluni. Suliniummut malitseqartitsinertut nunaqarfiit atuarfiini pisortat 2006-imi isumasioqatigiisinneqassapput, Naalackersuisullu nunaqarfiit atuarfiini pisortat ATTAT atorlugu ataatsimeersuartarnerat tapersersortuarumavaat pilersaarutigalugulu KANUKOKA IMAK-ilu suleqatigalugit suliniuteqarnerujumallutik.

3. Nunaqarfinni najugaqartuusunik ilinniartitsisunik ilinniartitsinissamut, inunnillu allanik assigiinngitsunik pissuteqarlutik ukiuni arlalinni najukkaminnik qimatsisinnaannginnertik pissutigalugu aallarsinnaanngitsunik, nu-taamik iliuseqarnissaq pisariaqartinneqarnersoq Naalackersuisunit eqqarsaatersuutigineqarsimanerluni?

Naalackersuisut ilinniartitsisut ilinniartitaanerini allanik pilersitsinissamik siunertaqanngillat. Ilinniartitsisut ilinniartitaanerat ataatsimut isigalugu piginnassallugu pingaaruteqarpoq, taamaalilluni ilinniartitsisut qanoq-ilusilimmik ataatsimik ilinniartineqarsimasut naammassisassalutik. Ilinniartitsisut ilinniartitaanerat assigiippoq, naak ilinniartitsinermi periutsit assigiinngitsut marluk atuukkaluartut: qitiusumik siammasissumillu. Naalackersuisut ilinniartitsinermut qinnuteqartunut isernissamut piumasaqaatinik naammassinnissimannngitsunut, isernissamut ukiumi ataatsimi pikkorissarnermik pilersitsinikuupput. Isernissamut pikkorissarnerq Nuummi misiligutitut maannakut ingerlanneqarpoq, kisianni pikkorissarnermik naliliineq pitsaasuussagaluarpat, illoqarfinnilu allani pisariaqartitsineq paasinarsissappat illoqarfinni allani GU-qarfiusuni aamma pikkorissarnerup pilersinneqarnissaanut periarfissiisinnaaneq eqqarsaatigineqarpoq.

Ikinngutinnersumik inuulluaqqusillunga

Doris Jakobsen
Naalackersuisunut ilaasortaq

Kopi: MK, JD, LLO, GIH